

羅浮志卷九

原卷六

東莞陳瓊廷器撰

九龍真逸補

人物上

漢至五代

匡山遇謫仙而愈顯少室得李渤而益著蓋地雖勝必因人而後彰也羅浮為南海之仙山神靈之奧區而留魏公張祕書嘗講讀其中至今其名與山俱高松風蘿月亦有德色然則茲山蓋無讓於匡山少室矣且歷代名縉紳才大夫來遊觀者皆有紀述或中心慕之而未嘗一至者亦多形諸篇什現既取而錄之矣復紀其姓氏官封之顯著者為茲山增重云原

真逸按自漢陸賈南行於羅浮即有紀述晉宋以後疏

羅九

記漸興逮唐宋間詩文益富茲仍本前例雜詠歌神往亦補入人物中至山中習業若陳之章華唐之劉軻宋之羅豫章並遺響巖阿流芳史乘固不特留魏公張祕書也仙都佛國蔚為儒林並詳錄之以告來者

陸賈 漢人

陸賈楚人高祖時使南越拜尉佗為越王令稱臣奉漢約文帝即位復使南越令尉佗去黃屋稱制有南越行紀記

羅浮山頂神湖

史記本傳南方草木狀補

嵇含 以下晉人

嵇含字君道紹從子也惠帝北征遷中書侍郎蕩陰之敗紹被害含走歸滎陽後為平越中郎將廣州刺史請葛洪

參軍事洪行到廣州而含以與郭勸有隙為所殺含有南

方草木狀記羅浮楊梅山桃並安期生採服番禺東澗中

菖蒲仙去事

晉書本傳葛洪傳
南方草木狀補

鄧嶽

鄧嶽字伯山陳郡人督交廣二州軍事廣州刺史封宜城

縣伯葛洪止羅浮山煉丹及尸解嶽狼狽往別不及見

晉書

本傳葛洪傳補

康泓

康泓單道開弟子昔在北間閩道開居羅浮山中每有神

仙來去乃遙心敬悒及後從役南海親與相見側席鑽仰

稟聞備至乃為之傳讚

高僧傳單道開補

羅九

二

袁宏

袁宏仕晉為南海太守嘗登羅浮作單道開贊

原按晉書本傳宏字

彥伯侍中猷之孫有逸才文章絕美為桓溫記室專綜書

記太元初卒藝文類聚引宏羅浮山疏太平寰宇記作羅

浮記山之有

徐道覆有羅山記

太平寰宇記補○按晉書盧循傳道覆循姊夫循署為始興相當即其人

王叔之

王叔之有遊羅浮山詩

藝文類聚補○按隋書經籍志有宋王叔之集七卷注云梁十卷錄

一卷以新舊唐書校之敘蓋叔之誤藝文類聚引作宋王

叔之而白帖所引皆作晉王叔之蓋晉人而入宋也圖書

集成引羅浮山志云王叔之瑯琊臨沂人王氏自丞相導

立勳江左代有文才家累珣組至廣州刺史鑣之吏治政

著於南土晉宋之際于室多艱叔之與兄伯之共將家

日踰嶺相依經過荆楚見人有養雉羅二鳥者慨然感之

作賦略曰舍野氣於人塗信多懼而少嘉雉見質而不隨
翟表文而弗華瞭寒條之始終發冬秀之餘葩蓋自况也
及至廣愛羅浮邱壑之勝嘗登山賦咏復築室於鳳凰洞
之南攜子弟讀書其中自稱處士示無宦情庭植蘭菊作
銘曰蘭既春敷菊又秋榮芳薰百草色豔羣英孰是芳質
在幽愈馨朝斯夕斯願言永貞其志尚類此世遂傳王生
得仙至今王子洞猶存所著集十卷錄一卷莊子義疏二
卷考王叔之翟雉賦蘭菊銘俱見白帖然宋書南史王鎮
之傳并不見伯之叔之兄弟名又隋書經籍志莊子義疏
三卷宋虎士李叔之撰亦不云王叔之圖書集成所引當
是黎民表志似采集諸書附會而成茲不復錄補附記於此

謝靈運

謝靈運陳郡陽夏人祖玄晉車騎將軍靈運襲封康樂公
世稱謝康樂宋高祖受命為散騎常侍少帝即位出為永
嘉太守郡有名山水肆意遊遨所至輒為詩詠文帝時遷
侍中為傅隆所奏免官後為臨川內史作詩曰韓亡子房

羅九

三

奮秦帝魯連恥廷尉奏靈運反叛徙付廣州元嘉十年詔
於廣州棄市所著文章傳於世有羅浮山賦宋書本傳藝
文類聚補

沈懷遠

沈懷遠吳興武康人懷文弟也為始興王濬參軍坐納王
鸚鵡為妾徙廣州有南越志記羅浮山甚詳宋書沈懷文
傳太平寰宇

補記

竺法真

竺法真有登羅浮山疏齊民要術補○按藝文類聚引作
羅山記太平御覽引作登羅山疏
齊民要術為後魏賈思勰撰所見在藝文類聚太平御覽
之前茲從之太平御覽旃檀類引竺法真疏稱元嘉末則
法真宋元嘉以後人圖書集成引羅浮山志云竺法真者
其先本天竺人後歸漢遂稱竺氏迄晉世多顯者祖酒泉
太守曾始家丹陽兄法深最知名法真博記修潔宋孝建
初因亂避地嶺表嘗撰登羅山疏紀其物產甚為詳悉著

論謂袁宏始疏靈異獨以羅山為言者羅本主山為君浮
乃客山來傳故爾乃續宏書為二卷考梁高僧傳竺道潛
字法深姓王瑯琊人晉丞相武昌郡公敦之弟年十八出
家簡文作相潛游其門沛國劉恢嘲之潛曰君自觀其朱
門貧道見為蓬戶據此則竺法深即僧道潛也圖書集成
所引亦當黎民表志云法真為法深弟而所紀法深
與高僧傳不同未詳所出云羅主浮客故獨以羅山
為言亦似未考賈思勰書茲不復錄補附辨於此

裴淵

裴淵有廣州記紀羅浮山石樓及山中橋

太平御覽補。按淵時代未詳

水經注浪水兩引淵廣州記淵蓋晉宋間人茲姑附編南宋後

蕭管

六朝梁人

蕭管梁大同元年持節都督廣交容桂成高合浦崖羅十
州諸軍事冠軍將軍平越中郎將廣州刺史河東王嘗製
羅浮銘文刻於山

原按此據當時石刻銘後結銜管當作
譽知者周書蕭管傳管昭明太子第三

羅九

四

子梁普通六年封曲江縣公中大通三年進封岳陽郡王
歷鄧瑯彭城二郡太守東揚州刺史大同元年除都督雍
梁東益南北秦五州諸軍事西中郎將雍州刺史侯景作
亂管與梁元帝構隙遣使稱藩於周無封河東王為廣州
刺史事梁書蕭管傳管字重孫昭明太子第二子普通二
年封枝江郡公大通三年改封河東郡王除遠將軍石
頭戌軍事出為琅邪彭城二郡太守還除侍中出為湘州
刺史未幾侯景寇京邑管率軍入援臺城沒有詔班師管
還湘鎮後為梁元帝所攻殺又陳書王勸傳勸除河東王
功管史河東王為廣州刺史以勸為冠軍長史南海太守
王稱疾委州還朝勸行廣州府事據此是譽封河東王後
出為廣州刺史梁書譽傳不載為廣州刺史者蓋偶脫也
輿地紀勝引歐陽修集古錄云梁羅浮山銘梁肅宗撰蕭
世貞書大同元年立而歐陽集古錄目云梁羅浮山銘
廣州刺史河東王缺名撰參軍蕭世貞書是修所得拓本
蕭譽字泐疑為肅宗裴審視拓本知肅宗非是故云缺名
此志所云當本郭之美山記時所見拓本譽字上半已泐
故誤為管鄉師正指掌圖記李昂英景泰禪師傳並作管
蓋相沿致誤未暇考諸史傳也圖書集成引羅浮山
志改為蕭譽甚確惟云銘詞乃王勸代作未詳所出

章華

以下六朝陳人

章華字仲宗吳興人家世農夫華獨好學善屬文侯景之亂遊嶺南居羅浮山寺專精習業歐陽頎爲廣州刺史署爲南海太守及頎子紇敗還京師陳後主卽位朝臣以華素無伐閱排之除大市令辭以疾禎明初上書極諫言陛下溺於嬖寵惑於酒色老臣宿將棄之草莽詔佞讒邪昇之朝廷如不改弦易張臣見麋鹿復遊於姑蘇臺矣後主大怒卽日斬之陳書本傳補

陰鏗

陰鏗字子堅南平人博涉史傳尤善五言詩陳天嘉中爲始興王中錄事參軍累遷散騎常侍有賦得神仙詩首稱

羅浮

南史初學記書錄解題補

羅九

五

甯純

以下唐人

甯純字如和鈔江人父宣隋煬帝以爲合浦太守唐武德初宣遣使請降未報而卒以純爲廉州刺史純嘗至循州

羅浮及歸以欽州北九十里安京山形如羅浮因易其名

曰羅浮山

唐書南蠻傳元和志參黃佐通志補○按今安京山上有石刻羅浮山如和題六字

張鷟

張鷟字文成調露初登第員半干稱其文辭猶青銅錢萬選萬中時號青錢學士開元初御史劾其訕短時政貶嶺南有羅浮延祥寺碑唐書張鷟傳余靖延祥寺記補○按鷟碑今佚

王維

王維字摩詰河中■開元初擢進士累遷尚書右丞由太

韓澄

韓澄字伯源曾祖瑗顯慶中為宰相李義府誣瑗不軌貶海南卒子孫配廣州官奴澄生長南海勵志讀書嘗默禱於羅浮山神祈復世讐後以軍功官普州刺史巡歷至義府墓私發其屍鞭而刑之果符所禱據黃佐通志補

高翬

高翬廣州刺史代宗大厯中仙人何仙姑見於羅浮小石樓翬具上其事原按阮元通志翬渤海人會昌三年嶺南餉度使考大厯中至會昌初凡六十餘年疑通志誤

李象先

李象先隱居羅浮時仙姑盧眉娘得道憲宗賜號逍遙大

羅九

七

師象先嘗為傳

原按此據杜陽雜編

劉禹錫

劉禹錫字夢得擢進士第登博學宏辭科工文章官至檢校禮部尚書有羅浮夜半見日詩原按唐書本傳禹錫自史時玉叔文與之交憲宗立叔文敗貶連州刺史未至斥明州司馬集中羅浮見日詩題作有僧言羅浮事因為詩以寫之似非親登羅浮

王靚

王靚嘗居野人洞讀書今有王子書堂坑原按此即李翱改葬之王體靜靚即靜字見顏師古漢書注王靚或本名體靚或名靚字體靜今不可考

李翱

李翱字習之中進士第歷遷至山南東道節度使卒諡曰

文翺始從韓愈爲文章楊於陵任廣州刺史表翺佐其府
愈送以詩有廣州萬里途語元和四年翺奉牒知循州准
制祭羅浮山改葬野人王體靜於佛寺南岡作辨惑文
唐書
本傳昌黎集
李習之集補

李賀

李賀字長吉系出鄭王後七歲能詩辭尙奇詭所得皆驚
邁絕去翰墨畦徑當時無能效者有羅浮山人與葛篇
原

賀事實詳
唐書本傳

楊衡

楊衡字仲師吳興人初與符載崔羣李濟隱廬山號山中
四友後登第官至大理評事嘗遊南海有送鄭丞之羅浮

羅九

八

贈羅浮易鍊師詩據全唐詩補

李德裕

李德裕字文饒趙郡人宰相吉甫子文宗朝拜中書門下
平章事封贊皇縣伯武宗朝復同中書門下平章事拜太
尉封衛國公當國凡六年威名獨重於時後貶崖州司戶
參軍卒德裕嘗於東都爲平泉山居番禺連帥遺以羅浮
山石有題羅浮石詩有重憶山居羅浮山詩
唐書本傳平泉草木記會

昌一品集補

張又新

張又新字孔昭工部侍郎薦之子元和中擢第歷左右補
闕貶汀州刺史終左司郎中有羅浮山詩
唐書本傳參全唐詩補

劉軻

劉軻字希仁韶州人本沛上耕人代業儒天寶末徙貫南
鄙軻慕孟子為人故以為名幼之羅浮讀黃老書欲學輕
舉之道又於曹溪探釋氏關戒遂披僧服釋名溢納北之
筠川方山等寺歷數歲自洙泗渡淮達於江過洞庭三苗
踰彬而南涉滇江浮滄溟復抵羅浮始得師於壽春楊生
楊生以三代聖王死其道盡留於春秋每問一卷講一經
說一傳疑周孔邱明公羊穀梁廻環在座假生之口以達
其心也元和初下羅浮抵匡廬隱士茅君腹笥古今史軻
又從而明之有與馬植書言所撰有三傳指要十五卷漢
書右史十卷黃中通理三卷翼孟三卷隋鑑一卷三禪五

羅九

九

革一卷植薦於朝稱其文章與韓柳齊名元和末成進士
文宗朝為宏文館學士累遷侍御史出為洛州刺史卒於
官雲溪友議唐摭言唐詩紀事
參廣州人物傳全唐文補

施肩吾

施肩吾字希聖洪州人元和十年登第隱洪州之西山有
贈別王鍊師往羅浮詩據全唐
詩補

張祐

張祐字承吉清河人以宮詞得名長慶中令狐楚表薦之
後知南海微若甲香詹糖一無所受期月間罷職載羅浮
石筍還據黃佐通志全
唐詩小傳補

李羣玉

李羣玉字文山有將遊羅浮登楞伽臺別羽客詩

原按全唐詩小

傳羣玉澄州人性曠逸裴休為相以詩論薦授宏文館校書郎集中又有廣州別方處士詩注云約同遊羅浮又有送隱者歸羅浮詩

高駢

高駢字千里南平郡王崇文之孫咸通中拜安南都護僖宗立加同中書門下平章事後徙淮南節度使廣明初進檢校太尉封渤海郡王為部將畢師鐸所害有寄題羅浮

別業詩

唐書本傳參全唐詩補

皮日休

皮日休字襲美一字逸少襄陽人咸通中及第為著作郎有寄題羅浮軒轅先生所居詩

源按唐書稱日休後降於黃巢為所害考尹洙河南

羅九

十

集陸游老學菴筆記則云日休避廣明之亂奔錢氏終於吳越疑史誤也全唐詩小傳日休有集二十七卷詩載集中

陸龜蒙

陸龜蒙字魯望蘇州人隱松江甫里自號天隨子有奉和

襲美題軒轅先生所居詩

唐書本傳甫里集補

曹唐

曹唐字堯賓桂州人初為道士咸通中累為使府從事有

送羽人王錫歸羅浮詩

據全唐詩補

王棨

王棨字輔之福唐人咸通二年進士第累遷水部郎中詞賦清婉有詔遣軒轅先生歸羅浮賦尤美

唐黃璞王郎中傳補

劉崇龜

劉崇龜字子長河南人咸通六年進士擢第仕累華要大順中出爲廣州刺史清海軍節度嶺南東道觀察處置等使崇龜常有台輔之望每謂罷鎮便期直上羅浮處士夏侯生有道崇龜重之因問將來之事夏生言其不入相發後三千里有不測之事洎歸闕至中路得疾而終

舊唐書劉崇龜傳

傳新唐書劉政會傳北夢瑣言補

楊環 韋隱居黃隱居

楊環南海人力學工詩隱居羅浮咸通未登進士第初赴省時夢登高臺耘草得玉麟及除宏文館校書郎人賀曰子居是職所謂麟臺芸閣也始悟所夢後以時事日非拂

羅九

十一

衣歸隱周繇有送楊環校書歸廣南詩云天南行李半波濤灘樹枝枝拂戲猿初著藍衫從遠嶠乍辭雲署泛輕艖山村象踏枕椰葉海外人收翡翠毛名宦兩成歸舊隱徧尋親友興何饒時有韋隱居黃隱居者家朝臺往來羅浮與楊環莫逆時稱南濱三隱許渾有送黃隱居歸南海詩云瘴霧南邊久寄家海中來往信浮槎林藏鷓鴣多殘笋樹過猩猩少落花深洞有雲龍蛻骨半巖無草象生牙知君愛宿層峯頂坐到三更見日華

續前定錄參黃佐廣州人物傳全唐詩補

黃滔

黃滔字文江莆田人昭宗乾宣二年擢進士第光化中遷監察御史滔嘗在廣州試越臺懷古有寄羅浮道者詩

黃滔

曹松

曹松字夢徵舒州人學賈島為詩天復初及第年七十餘授祕書省正字嘗客嶺南游龍川縣霍山有羅浮山下書

逸人壁詩

唐詩紀事參全唐詩補

李洞

李洞字才江京兆人諸王孫也嘗往復廣江題峽山寺有

送軒轅先生歸羅浮山詩

據全唐詩補

陳陶

陳陶字嵩伯嶺南人大中時遊學長安南唐昇元中隱洪州西山開寶中有人見之或云已得仙矣所作懷仙吟有

羅九

丹陵五牙客昨日羅浮歸之語

南唐書唐詩紀事參全唐詩補。按茗溪漁隱叢話

陳陶見於唐末兩集中乃有贈高閑歌亦自當年百餘歲

鍾允章

弟有章 以下五代人

鍾允章宣化人徙家番禺南漢主劉晟為中書舍人晟

遊英州碧落洞一道流自稱野人云葛先生於此煉丹砂

藥成俟真人降呈獻晟問丹何在野人於峭壁中取神丹

七粒旋隱人石縫間晟不敢服即於石室鑿穴秘之允章

為作雲華石室記晟又遊羅浮山應制為詩文多稱旨每

允章倚馬才也劉鋹大寶二年擢尚書左丞參政事許

彥真誣其謀反被殺弟有章亦為中書舍人鋹於羅浮建

天華宮及甘露羽蓋等亭雲華閣命有章作記先允章卒

五代史東坡集參吳蘭修南漢紀補○按葛先生即葛洪
野人即黃野人黃勵慕雲華野人名自號黃野人以此允
章有章詩
支今佚

文丙

文丙五代時會官嶺南有羅浮山詩

據全五代詩補

羅九

三